

Date – 18/03/2026
Time - 7:30 -7:40 Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. **Social Welfare Minister Pi Lalrinpuii'n Rualbanlohna chi hrang hrang a pung zel tih sawiin, an hamthatna humhalh leh hmasawinna turte ngaihtuah zel chu sawrkar ngaih pawimawh zinga mi a ni a ti.**
2. **Joint Civil Society of Mizoram (JCM) chuan fur hmaa kawngpui siam turin Sorkar an ngen.**
3. **Parliament chuan Appropriation Bill 2026 a pass.**
4. **Trinamool Congress chuan West Bengal Assembly inthlan tura an candidate an ti chhuak.**

<><><>

SOCIAL WELFARE MINISTER

Social Welfare Minister Pi Lalrinpuii'n Rualbanlohna chi hrang hrang a pung zel tih sawiin, an hamthatna humhalh leh hmasawinna turte ngaihtuah zel chu sawrkar ngaih pawimawh zinga mi a ni a ti.

Nimina State Advisory Board on Disability thutkhawm a telpui na ah sawiin Minister Pi Lalrinpuii chuan State Advisory Board member-te chu Mizoram pum aiawha rualbanlote tana kalkhawm an ni tih hre reng tura chahin, an theihtawpa an tha leh zung leh rilrute pianphung leh rilru lama chanhaite tana seng turin a fuih a. an hnathawh chu mipuite hriata chiang taka pholan ni ngei se a duh tih sawiin a mamawhtute tan Chaltlang Field Kawng, Aizawl-ah pan theih a ni tih a sawi tel bawk a ni.

Nimina thutkhawmah hian Rualbanlote hamthatna tur hrang hrang leh tanpuina chu ennawn ni se ni se tih a ni a, zirna tha an dawn ve theihna tur atan Mizorama Special School tihchangtlun chungchang pawh rel a ni.

<><><>

AGRICULTURE MINISTER

Agriculture Minister Pu PC Vanlalruata chuan loneitu ten Tractor tam zawk an neih theihna turin sorkar hma a la mek zel tih a sawi.

Nimin khan Minister pu PC Vanlalruata hian Zonun Enterprise, Silaimual, Melthum atangin Group of Farmers leh mimal 6 (paruk)-te hman turin Custom Hiring Centre hnuai atangin Tractor 25 leh hmanraw chi hrang hrang a vai liam a, Minister chuan sawrkarin leilehna hmanraw tam zawk loneitute'n an neih theih nan a theih angin hma a la zel tih sawiin, kumin Annual Action Plan-ah pawh Farm Mechanization atan sum tam zawk a ruahman a ni, a ti a. Buhhum lei chungchangah harsatna a awm avangin buhhum lei tawh lova Mizoram chhunga buhfai thar lei a nih theih nan,

sawrkarin policy mumal tak nei turin hmalakna chak takin a kalpui mek a ni, tih a sawi bawk.

Kumin hian Tractor leh leilehna hmanrua 61 (sawmruk pakhat) sem tura ruahman niin, he'ngte hi Sub-Mission on Agricultural Mechanization (SMAM) scheme hnuaiia sum hmuh atanga pekchhuah tur a ni a. CHC pakhat zelah khawl leh hmanraw leina turin sawrkarin 95% (hei hi cheng nuai 14.25) vel thleng a tumsak thin a. 5% chu loneitute (Group of Farmers) tum ve tur a ni.

<><><>

OIL & GAS

Tunlai khawvel boruak avangin mipuiten eirawngbawlina gas-ah harsatna an tawh loh nan Sawrkar laipui chuan theihtawpin hma a la reng a, State Sawrkar pawhin mipuiten harsatna an tawh loh nan chak takin hma a la reng bawk a ni.

Tun dinhmunah nitina Mizoram mipuite mamawh zat eirawngbawlina gas chu bur 7,900 vel a ni a. LPG Distributor hrang hrangah harsatna lian tham awm lovin LPG a thleng mek zel a. Mizoramin LPG a lak luhna, IOCL Bottling Plant, Borkhola ah pawh harsatna awm lovin State mamawh ang tawh lak zel a la ni.

India sawrkarin mipuiten tul lova LPG bur an chhekkhawl loh nan LPG booking tih hnuhnun ber atanga booking tih leh theih hun inkar chu ni 25-ah a rawn bituk thar bawk a. Hetiang boruak kaihnawihah hian mi duham thenkhatin tul lova LPG bur an chhekkhawl leh, man to zawka dan lova an hralh chhawn loh nana hma la turin vawiin atang khan Sawrkarin State Level leh District Level Monitoring Cell a din thar a. He Cell hian mipuiten an chanvo dik tak leh a mamawh tak tak ten LPG bur an dawn theih nan hma a la dawn a ni.

Hetianga chak taka State Sawrkarin hma a lak avang hian mipuite chia lo tur leh, tul lova LPG chhekkhawl lo turin Sawrkar-in mipui te a ngen tak meuh meuh a, LPG pawh renchem taka hmang turin mipui te a ngen bawk a ni.

<><><>

JCM

Joint Civil Society of Mizoram (JCM)-in Sairang leh Kawnpui inkar kawngpui siam mek an tlawh a, Mizoram dung leh vanga kawngpui chhiate fur ruahtui tlak leh hma ngeia siam turin Mizoram Sorkar an ngen.

Joint Civil Society of Mizoram (JCM) chuan Sairang leh Kawnpui kawngpui, a bikin Buchali leh Sairang inkarah ruahtui tlak hmaa siam ngei ngai a la awm nual a, vawiin thlenga ruahtui a tlak hlek-a dil ang mai a tui tling a la awm thu leh Sairang atanga Sihmui peng inkarah pawh motor lian kal hlei theih loh leh truck tang khawpa kawngpui chhia la awmte chu rang taka siam turin NHIDCL an phut a. Mizoram Sorkar chu thenawm State Sorkar-in an tih anga 3rd Party Monitoring Team din turin an ngen a ni.

<><><>

DRUG DISPOSED

Nimin khan Lunglei leh Lawngtlai District ah ruihhlo tam tham tak hal ral a ni.

Ruihhlo halral hi Lunglei ah chuan SP Pu J. Lalmuankima kaihhruaiin ruihhlo (heroin no. 4) gram 28 (₹4,85,800/- man hu) leh cannabis (ganja) kg 8.330 (₹4,86,000/- man hu), belh khawma ₹9,71,800/- man hu an hal ral a, heng hal ral tak te hi Judicial Magistrate First Class-I-in phalna a pek anga hal ral (pre-trial dispose) a ni.

Lawngtlai ah chuan nikum February atanga kumin February thla inkara ruihhlo an man cheng Nuai 265 sing 6 sang 9 za 3, sawm thum paruk (Rs. 2,65,69,336/-) chu District Bawrsap Pu Donny Lalruatsanga hovin an tichhia a,

Bawrsap Pu Donny Lalruatsanga chuan ruihhlo dovin Sorkar chuan theihtawp a chhuah thu sawiin, Operation Jericho chu tha leh chaktakin District chhungah kalpui tih sawiin Tlawnggai pawl hrang hrangte nen thawhhona thatak hnuaiyah ruihhlo do a ni chu lawmawm a tih thu sawiin Lawngtlai District chu ruihhlo lakah a fihlim chhoh a beisei thu a sawi bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

LUNGLEI ZOBAWK

Lunglei Zobawk tuilakna Tlawngghnar ami chu nimin khan a kangchat a, ruah a sur lo reng anih chuan Zobawk khua in tui sem leh hunah harsatna an tawk thei dawn ni a thudawn a ni. Zobawkah hian public point-ah tui hi sem a ni a, a hranpa in in chhungah tui connection pek an ni lo. Urban an nih avangin JJM in a tuam ve lo a ni.

PHE hian Lunglei lam atanga Zobawk khaw luh tawntirh , leitan bul leh tlem a tlang sang deuh an huam loh a awm a. Ruah a sur lo reng anih chuan motor a tuisem te pawh a ngai mai thei niin kan corr thudawanna chuan a sawi.

Hetihlai hian Lunglei khawpui tui intur Tlawnglui khuah mek chu a san zawng 40ft tur a ni a, km 1.35 ft a thui a chim ang a, tui Litre mtd 240 vel tling thei tur a chhut a ni. Tunah hian ft 26 vel a sang a chim a, tluang taka hna thawh anih chuan March thla-ah hian ruahsur lo mahse April-ah chuan Lunglei khawpuiah tui semah buai lo turah PHED chu an in ngai an ti a. Tui a thuk avang hian tlak leh chetsual a hlauhawm a, chuvangin mitin fimkhur a ngai a ni an ti.

Lunglei khawpuiah tui connection nei 16411 an awm a tui semna section 11 a awm a ni.

<><><>

PARLIAMENT

Parliament chuan Appropriation Bill 2026 a pass. Nimin khan he bill hi Rajya Sabha ah sawiho anih hnuah Lok Sabha ah pek kir leh a ni a. Lok Sabha

hian Appropriation Bill hi a hmain a lo pass tawh a ni. He bill hian sawrkar tangka kum 2025-26 chhunga sum indaihlohna Consolidated Fund of India atanga hman belh a phal a. Rajya Sabhaa zawhna chhangin Union Finance Minister Nirmala Sitharaman-i chuan sawrkarin budget chu langtlang tak leh belhchian dawl takin a siam a ti a. Sawrkar laipuiin Economic Stabilisation Fund ah cheng vaibelchhe 57,381 a pe tih sawiin India sum leh pai dinhmun chu a chakna lantirtu pakhat a ni a ti.

<><><>

AGRICULTURE

Sawrkar laipui chuan Agriculture Department tan budget-a sum a dah a ti pung nasa. Union Minister of State for Agriculture and Farmers Welfare Bhagirath Choudhary chuan Lok Sabha-a ziaka zawhna chhangin kum 2013-14 ah Department of Agriculture and Farmers welfare tan cheng vaibelchhe sing 2 sang 1 leh 933 dah anih laiin 2025-26 ah chuan cheng vaibelchhe nuai 1 sing 2 sang 7 leh 290 dah a ni tawh a ti.

<><><>

ELECTION

Trinamool Congress chuan West Bengal Assembly inthlan tura an candidate an ti chhuak a. Seat 294 ah 291 an chuh dawn a. Darjeeling tlangdunga seat 3 awm chu an thawhpui Bharatiya Gorkha Prajatantrik Morcha (BGPM) an kian a. Party hotunu leh Chief Minister nilai Mamata Banerjee chu Bhabanipur ah a ding leh dawn a. He bialah hian BJP chuan Leader of Opposition Subhendu Adhikari an din tir thu an lo puang tawh a ni. TMC hian MLA tanglai mi 74 an chhawk a, hetihlai hian MLA 135 te chuan an seat ngai an chuh dawn a. MLA 15 seat hrangah dintir an ni bawk.

Keralam Assembly inthlan atana an candidate tur mi 55 hmingte Congress in an puangzar bawk a. Heng zingah hian Assembly a Opposition Leader V D Satheesan leh Kerala Pradesh Congress Committee President Sunny Joseph te pawh an tel a ni.

<><><>